



07543

文獻通考卷一百九十九

鄱陽馬端臨



經籍考二十六

史 傳記

魏公語錄一卷

陳氏曰與別錄小異而實同別錄分四卷此總為一篇先後次第亦不同而末一則別錄所無姑竝存之

魏公別錄四卷

鼂氏曰其門人王岳叟記其言論事實然以國史考之其歲月往往抵牾蓋失之誣也

文獻通考

卷一百九十九

經籍

一

杜祁公語錄一卷

陳氏曰不知何人作

文潞公私記一卷

鼂氏曰皇朝文彥博所撰元豐初王堯臣之子同老以其父至和中所撰立英宗為皇子詔草上之且曰時宰相文彥博富弼知狀神宗以問彥博彥博具以實對至元祐中賈易為言官為韓忠彥爭辨其事彥博乃著此其後云自古惟霍禹云縣官非我家將軍不得至此楊復恭自稱定策國老謂

昭宗爲門生天子鞅鞅不道之言卒被夷滅  
陳氏日記至和請建儲及元豐褒賞事

潛德錄一卷

鼂氏曰皇朝呂誨獻可之孫撰記其祖乞立英宗  
言章

嘉祐名臣傳五卷

晁氏曰張唐英傳仁宗朝賢臣五十餘人

王氏揮塵錄曰唐英天覺同胞兄仕至殿中侍御  
史嘗述仁宗政要上於朝所謂嘉祐名臣傳特政

要中一門耳

文獻通考

卷宿究

經籍

二

孔子編年三卷

鼂氏曰皇朝孔傳取左氏國語公羊史記及他書  
所載孔子事以年次之自生至卒

東家雜記二卷

鼂氏曰亦孔傳撰孔子四十七代孫也纂其家舊  
聞軼事於此書

陳氏曰歷代追崇先聖故事及孔林古跡

鼂以道揚雄別傳一卷

鼂氏曰從父詹事公撰雜取諸書所載雄逸事爲

一編繫之以贊

唐質肅遺事一卷

陳氏曰無名氏所記唐介子方事也

韓莊敏遺事一卷

陳氏曰祕書丞韓宗武文若撰記其父丞相纘王汝事末亦雜載他事宗武卽少年遇洋客者也年八十二乃卒此編亦載其詩云熙寧閒得異疾與神物遇

范忠宣言行錄二十卷

陳氏曰不著名氏其家所錄也

范太史遺事一卷

文獻通考

卷宿先

經籍

三

陳氏曰翰林學士范冲元長記其父事

傅獻簡佳語一卷

陳氏曰不知何人所作記傅堯俞所談

杜公談錄一卷

陳氏曰雷繹杜師益等錄其父務滋之言王廣淵

作序

豐清敏遺事一卷

陳氏曰給事中章貢李樸先之撰記豐稷相之事  
朱熹爲之後序

宗忠簡公遺事三卷

陳氏曰不著名氏錄畱守開封事亦其家子孫所爲

後村劉氏序曰公遺事行世已久今連帥寶謨王公鎔公之外孫復稍採摭舊聞以傳翼之

呂忠穆家傳一卷 逢辰記一卷 遺事一卷

陳氏曰記建炎丞相呂頤浩元直事孫昭問刻之  
廣德軍

襄德集二卷 易學辨惑一卷

陳氏曰邵伯溫撰錄其父告命諡議行狀墓誌之屬辯惑述傳授源流辯鄭夬之妄

文獻通考

卷一百一十五

經籍

四

呂氏家塾記一卷

陳氏曰侍講呂希哲原明撰

桐陰舊話十卷

陳氏曰吏部尙書穎川韓元吉無咎撰記其家世舊事以京師第門有桐木故云元吉門下侍郎維之四世孫也

趙康靖日記一卷

陳氏曰參政睢陽趙槩叔手所記治平乙巳丙午間在政路初事

劉忠肅公行年記一卷

陳氏曰丞相東平劉摯莘老撰

文昌雜錄六卷

陳氏曰主客郎中南京龐元英懋賢撰官制初行元英爲郎在省四年記一時見聞及古今典故可觀覽元英丞相莊敏公籍之子

聞見近錄一卷

陳氏曰宗正丞三槐王鞏定國撰

辯欺錄一卷

陳氏曰韓忠彥記其父嘉祐末命事與文富諸公

辯

文獻通考

卷一百九

經籍

五

回天錄一卷

陳氏曰宣敎郎秦湛處度撰記呂好問圍城中事好問除右丞訓詞有回天之力語故以名錄後有好問謝其祖公著復官表及遺表

盡忠補過錄一卷

陳氏曰修職郎穆伯芻撰記張孝純在僞齊時所

上本朝書

吳丞相手錄一卷

陳氏曰吳敏元忠撰記靖康初元事

岳飛事實六卷辯誣五卷

陳氏曰飛之孫珂撰

丁卯實編一卷

陳氏曰成忠郎李珙撰誅贖之功揚巨源爲多安丙忌而殺之珙爲作傳上之於朝以昭其功而申其冤

孔子編年五卷

陳氏曰新安胡仔元任撰其父待制舜陟命仔采摭經傳爲之

諸葛武侯傳一卷

陳氏曰侍講張枋撰以陳壽作史私且陋哀集他

文獻通考

卷一百一十五

經籍

六

傳及裴松之所註爲此傳而削去管樂自許一則朱晦翁以爲不然又爲後論以達其意謂其體正大而學未至使得游洙泗之門所就不止此

韓文公歷官記一卷

陳氏曰新安張敦頤撰頗疏略其最誤者序言擒吳元濟出牛元翼爲一事此大謬也爲裴度行軍司馬在憲宗元和時奉使鎮州王庭湊在穆宗長慶時

歐公本末四卷

陳氏曰呂祖謙編蓋因觀歐陽公集考其歷仕歲

月同官同朝之人略著其事迹而集中詩文亦隨事附見非獨歐公本末而時事時賢之本末亦大略可觀矣故以入傳記類

皇祐平蠻記二卷

陳氏曰殿中丞馮炳撰記儂智高事

孫威敏征南錄一卷

陳氏曰學士睢陽滕甫元發撰言平南之功皆本孫沔元規狄青之至莫能出其右者余靖歸美於青非實也甫時通判潮州

响廡囉傳一卷

文獻通考

卷宿究

經籍

七

陳氏曰不著作者

陝西聚米圖經五卷

陳氏曰閭門通事舍人雄州趙珣撰珣父振博州防禦使久在西邊珣訪得五路徼外山川道里康定二年爲此書韓魏公經略言於朝詔取其書召見執政呂許公宋芑公言用兵以來策士之言以千數無如珣者擢涇原都監定川之敗死焉珣勁特好學恂恂類儒者人皆惜之

元豐平蠻錄三卷

陳氏曰金部員外郎知鳳翔府家安國撰記乞弟

韓存寶事

元祐分疆錄三卷

陳氏曰直龍圖閣京兆游師雄景叔撰元祐初議棄西邊四寨執政召師雄問之對曰先帝棄之可也主上棄之則不可且示弱夷狄反益邊患爭之甚力不聽卒棄之四寨者葭蘆米脂浮屠安疆也夏人以事出望外萌侵侮之心連年犯順皆如師雄所料此書前三卷記當時論辨本末後一卷行實不知何人作也是歲師雄被命行邊請以便宜行事夏人與鬼章謀寇熙河師雄說劉舜卿出師種誼遂破洮州擒鬼章以獻其功偉矣元祐諸老固欲休兵息民師雄言既不行功復不賞殆以專反熙豐失於偏滯終成紹述之禍亦有以也師雄治平二年進士

青唐錄一卷

陳氏曰右班殿直李遠撰元符中取邈川青唐已而皆棄之遠紹聖武舉人官鎮洮奉檄軍前記其經歷見聞之實燦然可觀

交趾事迹十卷

陳氏曰知新州趙勰撰

文獻通考

卷宿究

經籍

八

占城國錄一卷

陳氏曰不著名氏

雞林類事三卷

陳氏曰不著名氏

政和大理入貢錄一卷

陳氏曰右迪功郎錢塘周邦撰其祖種爲集賢修撰知桂州時歸明人黃璘招來大理國人貢詔種考究其真僞種言僞妄不可憑乞依熙寧故事支馬價發還璘至京師力主其事種落職奉祠久而覺其詐乃改正復職知廣州

文獻通考

卷一百一十九

經籍

九

安南表狀一卷

陳氏曰紹興二十五年李天祚進貢自靖康二年以後至是始通也

邊和錄五卷

陳氏曰承議郎河東陳伯疆撰載胡世將承公宣撫川陝事

建炎德安守禦錄三卷

陳氏曰郡丞東平劉荀子編次建炎初高密陳規元則守德安禦羣盜事跡功狀規後守順昌與劉錡共成却敵之功者也以樞密直學士知廬州而

卒

淮西從軍記一卷

陳氏曰不著名氏記紹興十年金虜敗盟淮西諸帥守禦事

順昌破敵錄一卷

陳氏曰不著名氏記劉錡信叔守禦戰勝本末

滕公守台錄一卷

陳氏曰不著名氏睢陽滕膺子勤爲台川戶曹方臘之亂仙居人呂師囊應之攻城甚急膺佐太守備禦卒全一城郡人德之至今廟食行狀事實聚

文獻通考

卷宿羌

經籍

十

見此篇膺後至直祕閣京西漕而終

二楊歸朝錄一卷

楊堯弼楊載紹興八年所與撻特兀木書時僞齊初廢也未有探報虜事數十條

逆臣劉豫傳一卷

陳氏曰楊堯弼等撰二楊事跡當考前錄題銜稱宣義郎迪功郎竝爲大總管府官屬此傳堯弼爲右從事郎載爲右迪功郎

許右丞行狀一卷

陳氏曰吏部員外郎許欣撰許公翰字崧老襄邑

人爲尙書右丞欣其弟也

李忠定行狀一卷

陳氏曰通判洪州李綸撰其兄丞相綱伯紀事狀  
葉適正則所作諡議附於後

翟忠惠家傳一卷

陳氏曰翟耆年伯壽述其父汝文公異事實忠惠  
者私諡也耆年實邢恕外孫

艾軒家傳一卷

陳氏曰莆田林成季述其季父工部侍郎光朝謙  
之事實

文獻通考

登宿究

經籍

士

夾漈家傳一卷

所著書  
目附

陳氏曰莆田鄭翁歸述其父樵漁仲事迹翁歸年  
八十歲老貧不競頃佐莆郡時猶識之

葉丞相行狀一卷

陳氏曰閣學廬陵楊萬里廷秀撰丞相莆田葉顯  
子昂乾道丁亥以冬雷罷相至建寧而薨

謝脩撰行狀墓誌一卷

陳氏曰昭武謝師稷務本奉使閩部有惠愛沒而  
民祠之行狀里人黃適景聲撰墓誌永嘉陳謙益  
之撰其廟曰昭應

朱侍講行狀一卷

陳氏曰奉議郎三山黃榦直卿撰其高第弟子且子壻也

紫陽年譜三卷

陳氏曰朱侍講門人通判辰州昭武李方子公晦撰

篤行事實一卷

陳氏曰丞相趙汝愚子直編其父善應彥遠事而羅願朱熹所撰行狀墓銘及諸賢哀詞題跋之屬萃爲一編篤行者陳福公題其墓云爾呂太史跋

文獻通考

卷一百九

經籍

十一

語有云處者易持出者難工朱侍講取其意以爲銘所以勉其子之意深矣

趙丞相行實一卷 附錄二卷

陳氏曰知靜江府趙崇憲履常編集忠定長子也其一時諸賢祭文挽歌與嘉定更化之後昭雪誣枉改正史牒本末皆見附錄

趙忠定行狀一卷 續議一卷

陳氏曰知光州鄱陽柴中行與之撰其諡議允濟全之楊方子直所爲也

倪文節言行錄三卷 遺奏誌狀碑銘諡議一卷

陳氏曰戶部郎中倪祖常子武輯其父尙書遺事  
行狀錫山蔣重珍良貴撰碑銘臨邛魏了翁華甫  
撰

趙華文行狀一卷

陳氏曰文林郎趙山李燔敬子撰忠定之子吏部  
宗憲履常也

八朝名臣言行錄二十四卷

陳氏曰侍講朱熹撰以近代文集及傳記載本朝  
名臣言行掇取其要輯爲此錄前五朝五十五人  
後三朝四十二人

文獻通考

卷宿完

經籍

三

中興志議忠錄三卷

陳氏曰龔頤正撰自建炎至紹興辛巳上自李若  
水劉鈐貴臣名士下及一婦人卒伍之微皆錄之

孝史五十卷

太學博士新喻謝諤昌國撰集曰君紹五后德一  
宗表五臣傳三十五文類二夷附一諤後至御史  
丞淳熙名臣樂易君子也

孝行錄三卷

陳氏曰京兆胡訥撰始得此書不知訥何人也所  
記多國初人已而知其爲安定先生翼之之父仕

爲寧海節度推官

古今孝悌錄二十四卷

陳氏曰廬陵王紹圭唐卿撰

廉吏傳十卷

陳氏曰成都費樞伯樞撰自秦至唐凡百十有四人宣和乙巳爲序

南陽先民傳二十卷

陳氏曰題南陽王襄元祐癸酉歲序所記鄧州人物自百里奚直不疑而下至唐范傳正韓翃凡一百六十八人

文獻通考

卷福完

經籍

古

典刑錄十二卷

陳氏曰茗溪吳宏編凡五十二門大略於言行錄中鈔出

近世厚德錄四卷

陳氏曰題百鍊真隱李元綱國紀編沈濬道原爲作序

救荒活民書三卷

陳氏曰從政郎鄱陽董煇編進煇紹熙五年進士嘗知瑞安縣

仁政活民書二卷

陳氏曰秀州司戶會稽丁銳集

好還集一卷

陳氏曰秀水婁伯高元龍編報應之事爲十門

先賢施仁濟世錄一卷

陳氏曰奉化丞山陰諸葛興編凡十門皆本朝諸

賢事實也

莆陽人物志三卷

陳氏曰知興化軍永嘉林紘文伯撰以圖志不敘

人物故特爲是編莆壤地褊小而人物特盛

臥遊錄一卷

文獻通考

卷第先

經籍

五

陳氏曰呂祖謙撰晚歲病廢臥家取史傳所載古

今人境勝處錄之時以宗少文臥遊之語實諸卷

首

上庠錄十卷

陳氏曰光州助教呂榮義撰雜記京師太學故事

上庠後錄十二卷

陳氏曰三山周士貴撰記中興太學事頗疏略

昭明太子事實二卷

陳氏曰知池州趙彥博富文編昭明廟食於池頗

著靈響元祐始賜額曰文孝

祠山家世編一卷

陳氏曰詹仁澤曾樵編輯廣德橫山神張王事跡  
海神靈應錄一卷

陳氏曰永嘉貢士陸維則撰太守韓彥直子温爲  
之序初元祐中守直龍圖閣范杓夢海神曰吾唐  
李德裕也郡城東北隅海仙壇之上有廟初不知  
其爲何代人杓明日往謁其像卽夢中所見自是  
多響應然封爵訓詞惟曰海神而已

鄂國金佗稗編二十八卷 續編三十卷

陳氏曰岳珂撰

文獻通考

登宿完

經籍

去

宋登科記三卷

鼂氏曰皇朝登科人名氏未詳何人所撰

唐宋科名分定錄三卷

鼂氏曰不題撰人元符閒所著書也序云己卯歲  
得張君房所誌唐朝科場故事今續添五代及本  
朝科名分定事迄於李常寧云

大宋登科記三十二卷

陳氏曰洪适編始吳興郡學有鈔版不分卷第止  
述進士一科适始做姚康錄制舉詞科自建隆庚  
申迄紹興庚辰二萬三千六百人有奇爲二十卷

自後皆續書之

中興登科小錄三卷 姓類一卷

陳氏曰通判徽州江都李椿撰新安舊有登科記但逐榜全錄姓名而已椿家藏小錄自建炎戊申至嘉熙戊戌節次取名字鄉貫三代諱刊之後以韻類其姓凡一萬五千八百人有奇太守吳興倪祖常子武刻之以備前記之闕文

乘軺錄一卷

陳氏曰知制誥祁陽路振子發撰祥符中使契丹歸進此錄專見其傳

文獻通考

卷宿究

經籍

七

奉使別錄一卷

陳氏曰河南富弼彥國撰慶歷使契丹歸爲語錄以進機宜事節則具於此錄又一本有兩朝往來書附於末

劉氏西行錄一卷

陳氏曰直昭文館保塞劉渙中章撰按康定二年朝廷議遣使通河西唘氏渙以屯田郎知晉州請行以十月十九日出界慶歷元年三月十日回泰州此其行紀也唘氏自此與中國通而元昊始病於牽制矣渙後擢刺史歷典數州至雷後以工部

尙書致仕

契丹講和記一卷

陳氏曰不著名氏載契丹初講和本末未有慶歷增幣後北虜誓書

慶歷正旦國信語錄一卷

陳氏曰余靖慶歷三年使虜所記

熙寧正旦國信錄一卷

陳氏曰天章閣待制竇卞熙寧八年使虜所記

接伴送語錄一卷

陳氏曰集賢校理沈季長熙寧九年接伴送虜使

文獻通考

卷宿充

經籍

六

耶律運所記

使遼見聞錄二卷

陳氏曰尙書膳部郎中李罕撰

宣和使金錄一卷

陳氏曰太常少卿安陸連南夫鵬舉弔祭阿骨打奉使所記時宣和六年

奉使雜錄一卷

陳氏曰紹興十二年何鑄使虜所錄禮物名銜表章之屬

館伴目錄一卷

陳氏曰無名氏紹興二十四年

隆興奉使審議錄一卷

陳氏曰左奉議郎雍希稷堯佐撰隆興二年編脩  
官胡昉閣門祇候楊由義使金虜軍前審議海泗  
唐鄧等事不屈而歸希稷其禮物官也所抗辯應  
對之語多出由義

學轡錄一卷

陳氏曰吳郡范成大至能乾道六年使虜所記聞  
見

北行日錄一卷

文獻通考

卷一百一十五

經籍

九

陳氏曰參政四明樓鑰大防乾道己丑待次温州  
教授以書狀官從其舅汪大猷仲嘉使虜紀行

乾道奉使錄一卷

陳氏曰參政諸暨姚憲令則乾道壬辰使虜日記  
奉使執禮錄一卷

陳氏曰進士鄭儼撰淳熙己酉中書舍人莆田鄭  
僑惠叔使虜賀正會其主病篤欲令於閣門進國  
書僑不可已而徂遂回

使燕錄一卷

陳氏曰尚書戶部郎龍游余嶸景瞻撰嘉定辛未

蝶使虜賀生辰會有北師行至涿州定興縣而回

文獻通考

卷一百九十九

經籍

三

卷一百九十九終

文獻通考卷二百

鄱陽馬端臨貴與著

經籍考二十七

史 僞史 霸史 史評 史鈔

華陽國志十二卷 一百二十卷

鼂氏曰晉常據撰華陽梁州地也記漢以來巴蜀人物呂微仲跋云漢至晉初四百載閒士女可書四百人亦可謂盛矣復自晉至周顯德僅七百載而史所紀者無幾人忠魂義骨與塵埃同歿何可勝數豈不重可歎哉

文獻通考

卷一百一十五

經籍

一

陳氏曰志巴蜀地理風俗人物及公孫述劉焉劉璋先後主以及李特等事跡末卷為序志云肇自開闢終乎永和三年

九州春秋九卷

陳氏曰晉司馬彪紹統撰記漢永州部之亂司冀徐兗青荆揚涼益幽凡盜賊僭叛皆紀之

淝上英雄小錄二卷

陳氏曰信都鎬撰所錄楊行密將吏有勳名者四十八人其二十四人皆淝人餘諸道人又有僧道漁樵之屬十人錄其小事故名小錄

江淮異人錄二卷

陳氏曰吳淑撰所記道流俠客術士之類凡二十五人

南唐烈祖開基誌十卷

陳氏曰南唐滁州刺史王顏撰起天祐乙丑止昇元癸卯合三十九年

南唐烈祖實錄十三卷

陳氏曰南唐史館修撰高遠撰闕第八第十二卷遠又嘗爲吳錄二十卷而徐鉉鄭文寶皆云開寶中遠始緝昇元以來事書未成而疾焚其草故事

文獻通考

藝文

經籍

二

多遺落

江南錄十卷

鼂氏曰皇朝徐鉉等撰鉉等自江南歸朝奉詔集李氏時事王介甫嘗謂鉉書至亡國之際不言其君之過但以歷數存亡論之於春秋箕子之義爲得也雖然潘佑以直見殺而鉉書佑死以妖妄殆與佑爭名且取其善不及佑故匿其忠汗之以罪耳若然豈唯厚誣忠臣其欺吾君不亦甚乎世多以介甫之言爲然獨劉道原得佑子華所上其父事跡略與江南錄所書同乃知鉉等非欺誣也

陳氏曰徐鉉湯悅撰二人皆唐舊臣故太宗命之撰湯悅卽殷崇義避宣祖諱并姓改焉

南唐近事二卷

鼂氏曰皇朝鄭文寶編記李氏三主四十年間雜事

陳氏曰起天福乙酉終開寶乙亥然泛記雜事實小說傳記之流耳

江南別錄四卷

鼂氏曰皇朝陳彭年撰僞吳僞唐四主傳也

江表志三卷

文獻通考

卷福

經籍

三

鼂氏曰鄭文寶撰序言徐鉉湯悅所錄事多遺落無年可編然前錄固爲略而尤以年月記事今此書亦止雜記如事實之類耳近事稱太平興國二年丁丑今稱庚戌者太中祥符三年

江南野史二十卷

鼂氏曰皇朝龍堯撰凡八十四傳

江南館載二卷

陳氏曰不著姓名序言徐鉉始奉詔爲江南錄其

後王舉路振陳彭年楊億皆有書大槩六家皆不足  
以史稱而龍堯爲尤甚熙寧八年得鄭君所述

於楚州其事迹有六家所遺或小異者刪落正是  
取百九十五段以類相從鄭君者莫知何人

南唐書三十卷

陳氏曰陽羨馬令撰序言其祖太傅元康世家金陵多知南唐故事未及撰次今纂先志而成之實崇寧乙酉其書略備記傳體亦言徐湯之疏略云

新修南唐書十五卷

陳氏曰竇謨閣待制山陰陸游務觀撰采獲諸書頗有史法

蜀桂堂編事二十卷

文獻通考

卷一百一十五

經籍

四

鼂氏曰僞蜀楊九齡撰雜記孟氏廣政中舉試事載詩賦策題及知舉登科人姓氏且云科舉起於隋開皇前陋者謂唐太宗時非也

外史禱杌十卷

鼂氏曰皇朝張唐英次公撰稱王建孟知祥父子四世八十年比之公孫述輩最爲久遠其間善惡有可爲世戒者路振之書未備治平成此書以補其遺凡五代史及皇朝日歷所書皆略之溫公修通鑑梭羅小說殆徧未嘗取此書蓋多差舛如光大至二年之類是也

陳氏曰唐英自號黃松子商英之兄也

前蜀記事二卷

陳氏曰僞蜀學士毛文錫平珪撰起唐明庚子盡天福甲子凡二十五年文錫唐太僕卿龜範之子十四登進士第入蜀仕建至判樞密院隨衍入洛而卒

後蜀記事十卷

陳氏曰直史館太常博士董淳撰惟記孟昶事

吳越備史九卷

陳氏曰吳越掌書記范垫巡官林禹撰按中興書

文獻通考

卷

經籍

五

曰其初十二卷盡開寶三年後又增三卷至雍熙四年今書止石晉開運比初闕三卷

吳越備史遺事五卷

陳氏曰全州觀察史錢儼撰儼之弟也其序云備史亦其所作託名林范而遺名墜迹殊聞異見闕漏未盡者復爲是編時皇宋平南海之二年吳興西齋序蓋開寶五年也儼以三年代其兄儻刺湖州

閩中實錄十卷

陳氏曰周顯德中揚州永貞縣令蔣文暉記閩王

審知父子及將吏儒士僧道事跡末亦略及山川  
土物

閩王列傳一卷

陳氏曰祕書監晉江陳致雍撰二世七主通六十年

閩王事跡一卷

陳氏曰不知何人作末稱光啓二年至天聖元年  
一百三十八年所記頗詳

三楚新錄三卷

陳氏曰知桂州修仁縣周羽冲撰上卷爲湖南馬

文獻通考

卷

經籍

六

殷中卷爲武陵周行逢下卷爲荆南高季興

湖南故事十卷

陳氏曰不知作者記馬氏至周行逢事館閣書目  
作十三卷蓋爲列傳十三篇其實十卷也文辭鄙  
甚

五國故事二卷

陳氏曰不知作者記吳蜀閩漢諸國事

九國志五十一卷

鼂氏曰皇朝路振子發撰雜記吳越唐前後蜀東

漢南漢閩楚凡九國

陳氏曰各爲世家列傳凡四十九卷末二卷爲北  
楚言高季興事張唐英所補撰

十國紀年四十二卷

鼂氏曰皇朝劉恕道原撰溫公序云渙之子也博  
學強記同修通鑑史事之紛錯難治者以誘恕宋  
次道知亳州家多書恕往借觀之曰爲之矜性剛  
介初與王安石善及改新法言其非遂與之絕卒  
年四十九所謂十國者一王蜀二孟蜀三吳四唐  
五吳越六閩七楚八南漢九荆南十北漢溫公又  
題其後云世稱路氏九國志在五代之史中最佳  
此書又過之以予考之長於考異同而拙於屬文  
其書國朝事皆曰宋而無所隱諱意者各以其國  
爲主耳

天下大定錄一卷

陳氏曰殿中丞通判桂州王舉撰景祐閒人始高  
季興終劉繼元其所記疏略獨江南稍詳本十卷  
今但爲一卷恐非全書也

虜廷雜記十卷

鼂氏曰契丹降人趙志忠撰記虜廷雜事始於阿  
保謹迄邪律宗真李清臣云志忠仕虜爲中書舍

文獻通考

卷禧

經籍

七

人得罪來歸上此書及契丹地圖言虜中甚詳

陰山雜錄十六卷 契丹錄一卷

陳氏曰不著名氏莆田鄭氏書目云趙志忠撰歐  
公歸田錄云志忠本華人自幼陷虜爲人明敏在  
虜中舉進士至顯官歸國能述虜中君臣世次山  
川風物甚詳今觀此書可以槩見矣其首一卷名  
契丹錄

契丹疆宇圖一卷

陳氏曰不著名氏錄契丹諸夷地及中國所失地

遼四京記

文獻通考

卷一百一

經籍

八

陳氏曰亦無名氏曰東京中京上京燕京

燕北雜錄五卷

西征塞地圖附

陳氏曰思卿武珪記嘉祐六年宮苑使知雄州趙

某進於朝珪亦自契丹逃歸事見國史傳

匈奴須知一冊

鼂氏曰契丹歸明人田緯編次錄契丹地理官制

辨鴟錄一卷

陳氏曰不著名氏契丹譯語也凡八篇

虜庭須知一卷

陳氏曰左藏庫副使知安肅軍陳昉撰熙寧元年

集賢校理胡穆爲之序凡二十一條目

戴斗奉使錄二卷

鼂氏曰皇朝王曙撰景德三年爲契丹主生辰使祥符二年爲弔慰使所錄也

生辰國信語錄一卷

鼂氏曰皇朝寇瑊與康德輿天聖六年使契丹賀其主生辰往返語錄并景德二年至天聖八年使副姓名及雜議於後

張浮休使遼錄二卷

鼂氏曰皇朝元祐甲戌春張舜民被命爲回謝大

文獻通考

卷

九

九

遼弔祭使鄭介爲副錄其往返地理及語言也舜民字芝叟自號浮休居士

北遼遺事二卷

鼂氏曰不題撰人蓋遼人也記女眞滅遼事序云遼國自阿保機創業於其初德光恢廓於其後吞滅諸蕃割據漢界南北開疆五千里東西四千里戎器之備戰馬之多前古未有子孫繼統二百三十餘年迨至天祚失御女眞稱名十二年間舉國土崩古人謂得之難而失之易非虛言耳

陳氏曰燕山史願撰一名金人亡遼錄

金虜節要一卷 一作三卷

鼂氏曰陷虜人所上也記金人初內侮止紹興十年共十六年事頗詳實

陳氏曰右從事郎兗人張滙東卿撰宣和中隨父官保州陷虜十五年至紹興十年歸朝

金虜志二卷 又一卷

陳氏曰承奉郎張棣撰淳熙中歸明人記虜中事頗詳又一卷不著名氏似節略張棣書其末又雜錄虜界事宜及逆亮以後事

松漠記聞二卷

文獻通考

卷

經籍

十

陳氏曰徽猷閣直學士番禺洪皓光弼撰皓奉使留虜中錄所聞雜事

征蒙記一卷

陳氏曰金人明威將軍登州刺史李大諒撰建炎鉅寇之子隨其父成降虜者也

僞楚錄二卷 僞齊錄二卷

陳氏曰竝不著名氏

金人南遷錄一卷

陳氏曰稱僞著作郎張師顏撰初見此書疑非北人語其間有曉然傅會者或曰華岳所爲也近扣

之沐人張總翼則云歲月皆抵牾不合益證其妄  
西夏須知一卷

鼂氏曰皇朝劉溫潤守延州日編錄僞境雜事

陳氏曰凡十五條目

蕃爾雅一卷

鼂氏曰不載著人姓名以夏人語依爾雅體譯以

華言

夏國樞要二卷

鼂氏曰皇朝孫異纂記夏虜兵屯會要土地肥饒

井泉涌澗穀粟窖藏酋豪姓氏名位司存與夫咸

文獻通考

卷

經籍

十一

池之完缺風俗之所向編爲兩帙上之朝

西域志十二卷

鼂氏曰唐僧元奘撰奘西遊天竺求佛書旣歸記

其所歷諸國風俗其自序云自黑領以西皆土著

尙東左衽務田畜重財賄嫁娶無禮獨天竺則異

別記於後云或云元奘譯大總持寺僧辨機撰

雞林志三十卷

鼂氏曰皇朝崇寧中王雲編次崇寧中劉達吳拭

使高麗雲爲書記官旣歸攬輯其會見之禮聘問

之辭類分爲八門

陳氏曰自元豐創通高麗以後事實皆詳載之  
海外使程廣記三卷

陳氏曰南唐如京使章僚撰使高麗所記海道及其國山川事跡物產甚詳史虛白爲作序稱己未十月蓋本朝開國前一歲也

高麗圖經四十卷

陳氏曰奉議郎徐兢明叔撰宣和六年路允迪傅墨卿使高麗兢爲之屬歸上此書圖其形事爲之說今所刊不復有圖矣兢鉉之後

南詔錄三卷

文獻通考

卷

經籍

十一

陳氏曰唐嶺南節度巡官徐雲虔撰乾符中邕中遣雲虔使南詔所作上卷計山川風俗後二卷紀行及使事

雲南行記二卷

鼂氏曰唐韋齊休撰齊休長慶三年從韋審規使雲南記其往來道里及其見聞序謂雲南所以能爲唐患者以開道越巂耳若自黎州之南清溪關外盡斥棄之疆場可以無虞不然憂未艾也及唐之亡禍果由此本朝棄巂州不守而遂無邊患以此論之則齊休之言可不謂善哉

雲南志十卷

鼂氏曰唐樊綽撰咸通中南詔數寇邊綽爲安南宣慰使纂入詔始末名號種族風俗物產山川險易疆境接聯聞於朝

至道雲南錄三卷

鼂氏曰皇朝辛怡顯撰蜀賊李順旣平餘黨竄入雲南雷有終募怡顯招出之至道初歸因書其所歷成此書

陳氏曰怡顯入雲南招李順餘黨因賜蠻酋告敕而遂爲此錄天禧四年自序稱左侍禁知興化軍

文獻通考

卷

經籍

三

或云此書妄也余在莆田視壁記無怡顯名字恐或然

皇祐平蠻記一卷

鼂氏曰皇朝馮炳煥撰記儂智高叛朝廷遣狄青平之

南蠻錄十卷

鼂氏曰未詳撰人熙寧閒交趾叛朝廷議討之或纂歷代南蠻事迹及便宜上之

諸蕃志二卷

陳氏曰福建提舉市舶趙汝适記諸蕃國及物貨

所出

右僞史霸史

劉氏史通二十卷

晁氏曰唐劉知幾撰知幾長安神龍閒三爲史官頗不得志乃以前代書史序其體法因習廢置掇其得失述所曲直分內外篇著爲評議備載史策之要當時徐堅深重之云居史職者宜置坐右元宗朝詔其家錄進上讀而善之宋子京稱唐舊史之文猥釀不綱謂知幾工詞古人而拙於用已觀此書知子京之論不誣前世史部中有史鈔類而集部中有文史類今世鈔節之學不行而論說者爲多故自文史類內摘出論史者爲史評附史部而廢史鈔云

陳氏曰其著書亦博矣史通者漢封司馬遷後爲史通子亦兼白虎通之義也

史通析微十卷

晁氏曰唐柳璨照之撰璨以劉子元史通妄誣聖哲評湯之德爲僞述論桀之惡爲厚誣謗周公云不臣褒武庚以徇節其甚至於彈劾仲尼因討論其舛謬共成五十篇蕭統云論則析理精微故以

爲名乾寧四年書成唐史云璨公綽族孫少孤貧好學著史通析微時或稱之起布衣至於相不四歲按唐紀相璨在天祐改元則書成猶未仕也

史例三卷

陳氏曰唐右補闕劉餗鼎卿撰知幾次子也

歷代史贊論五十四卷

鼂氏曰未詳撰人纂史記迄五代史臣贊論

歷代史辯志五卷

鼂氏曰未詳撰人亦有可觀者凡百許篇序謂人之志有甚微者不可不辯故以名書

文獻通考

卷

經籍

五

通鑑釋文二十卷

陳氏曰司課司馬康公休撰溫公之子

通鑑釋文三十卷

陳氏曰左宣義郎眉山史照見可撰馮時行爲之序今考之公休之書大略同而加詳焉蓋因其舊而附益之也

通鑑前例一卷

修書帖一卷

三十六條四圖共一

卷

陳氏曰司馬光記集修書凡例諸帖則與書局官

屬劉恕范祖禹往來書簡也其曾孫侍郎倣季思

哀於一篇又以前例分爲三十六條而考其離合  
稽其授受推其甲子括其卷帙分爲四圖

通鑑問疑一卷

陳氏曰高安劉義仲壯與纂集其父道原與溫公  
往復相繼者亦附修書帖後

讀史管見三十卷

陳氏曰禮部侍郎建安胡寅明仲以通鑑事備而  
義少故爲此書議論宏偉嚴正閒有感於時事其  
於熙豐以後接於紹興權姦之禍尤拳拳寓意焉  
晦庵綱目亦多取之

文獻通考

卷

經籍

六

朱子語錄胡致堂議論英發人物偉然讀史管見  
乃嶺表所作當時竝無一冊文字隨行只是記憶  
所以其閒有抵牾處

南軒言管見專爲秦檜設豈有言天下之事而專  
於一人者先生曰盡有好處但好惡不相掩耳又  
曰致堂管見方是議論唐鑑議論弱又有不相應  
處前面說一項事末又說別處去

通鑑論篤三卷

陳氏曰侍講廣漢張拭欽夫撰取通鑑中言論之  
精確者表而出之多或全篇少至一二語去取甚

嚴可以見前輩讀書眼力之高

南北籌邊十八卷

臨江曾三英無媿撰周平園序略曰南渡初士大夫日夜防守江淮計時右正言呂祉帥金陵與其屬吳若陳克著東南防守利便三卷上之事既詳實文亦條暢其後有尙書郎臨川吳曾著南北征伐編年二十三卷起三國終五代凡古今形勢師旅勝負該貫無遺仍集當時君臣議論爲分門事類一十二卷其相謀相應攻守通好可指諸掌視社之書益加詳焉今臨江曾君三英復爲南北邊籌十八篇南之攻北其事有九諸葛亮紀瞻褚裒元溫劉裕宋文帝陳顯達沈慶之吳明徹是也北之圖南其事亦九曹操魏明帝羊祜苻堅拓跋太武孝文元苒邢巒北齊是也人爲一論論指一事皆援昔以證今因迹以求心卽成而究敗考古可謂勤而用志可謂切矣

史記音義二十卷

陳氏曰唐崇賢館學士劉伯莊撰貞觀初奉敕講授采鄒誕生徐唐及隋柳願言音義而爲此書

史記索隱三十卷

文獻通考

卷

經籍

七

鼂氏曰唐司馬貞撰據徐裴註糾正抵牾援據密  
緻如東坡辯宰我未嘗從田常爲亂蓋本諸貞也  
陳氏曰採摭異聞釋文演註末二卷爲述贊爲三  
皇本紀世號小司馬史記

附索隱史記一百三十卷

陳氏曰淳熙中廣漢張材介仲刊於桐川郡齋削  
去褚少孫所續而附以司馬貞索隱其後江陰耿  
秉直之復取所削者別刊之

史記正義二十卷

陳氏曰唐諸王侍讀張守節撰開元二十四年作

文獻通考

卷

經籍

六

序

崇文總目爲漢書學者此最精博

陳伯宣注史記八十七卷

崇文總目唐陳伯宣撰因裴駟說有所未悉頗增損  
焉然多取司馬氏索隱以爲已說今篇殘缺

遷史刪改古書異辭十二卷

陳氏曰倪思撰以遷史多易經語更簡嚴爲平異  
體當然也然易辭而失其義書事而與經易者多  
不可以無考故爲是編經之外與他書異者亦并

載焉

班馬異同三十五卷

陳氏曰倪思撰以班史仍史記之舊而多刪改大抵務趨簡嚴然或刪而遺其事實或改而失其本意因其異則可以知其筆力之優劣而又知作史述史之法矣

新校史記一百三十卷 新校前漢書一百卷 新校後漢書九十卷 三史刊誤四十五卷

崇文總目皇朝張觀等校定初祕書丞余靖上言國子監所收史記漢書誤請行校正詔翰林學士張觀知制誥李淑宋祁與靖洎直講王洙於崇文院讎對文獻通考 卷禧 經籍 充 靖等悉取三館諸本及先儒注解訓傳六經小說字林說文之類數百家之書以相參校凡所是正增損數千言尤爲精備逾年而上之靖等又自錄其讎校之說別爲刊誤四十五卷

漢書問答五卷

崇文總目唐沈遵行撰采諸儒爲漢書說者申釋其義有博聞之益然篇第頗差討求未獲闕劉傳以下諸篇

三劉漢書標注六卷

鼂氏曰皇朝劉敞原父弟攷貢父子奉世仲馮撰

劉跂嘗跋其書尾云余爲學官亳州故中書劉舍人實爲守從容出所讀漢書示余曰欲作補註未能也然卷中題識已多公之子方山亞夫錄以相示也

陳氏曰又本題公非先生刊誤其實一書公非貢父自號漢書自顏監之後舉世宗之未有能異其說者至劉氏兄弟始爲此書多所辯正發明

呂氏前漢論三十卷

鼂氏曰皇朝呂大忠晉伯撰予得其本於銅梁令呂肇修撰汲陵諸孫也

文獻通考

卷首

經籍類

子部

西漢發揮十卷

鼂氏曰皇朝劉涇巨濟撰涇蜀人

西漢決疑五卷

陳氏曰國子司業宛邱王述致君撰一曰失實二曰引古三曰異言四曰雜證五曰註釋

西漢史鈔十七卷

兩漢博議十四卷

中興藝文志陳傅良撰指摘精要裨正闕誤如制度始末因革則條其大意遺其煩碎而一代之興衰治體人才紀綱風俗亦略矣博議陳季雅所撰關涉尤

大

東漢刊誤一卷

鼂氏曰劉攽貢父撰攽序英宗讀後漢書見墾田字皆作懇字命國子監刊正攽爲直講校正其謬誤不可勝算然此書世無善本率以己意定之治平三年奏御攽號有史學溫公修通鑑以兩漢事付之

兩漢博聞十二卷

鼂氏曰皇朝楊侃纂景德中侃讀兩漢書取其名數前儒解釋爲此書以資涉獵者侃嘗編職林此亦其類也

文獻通考

卷一百一十五

經籍

廿

兩漢刊誤補遺十七卷

陳氏曰國子博士吳仁傑斗南撰補三劉之遺也

三國人物論三卷

鼂氏曰皇朝楊祐甫撰蜀人

晉書指掌十二卷

鼂氏曰皇朝劉萇編以晉書事實以類分爲六十

五門

唐書直筆新例四卷

鼂氏曰皇朝呂夏卿撰夏卿強記絕人預修新史此其在書局時所建明歐宋閒有取焉如增入高

祖宇叔德之類是也

陳氏曰紀傳志各一卷末一卷摘舊史繁闕又爲新例須知附於後略舉名數如目錄之類記新書比舊增減志傳及總類

唐書音訓四卷

鼂氏曰皇朝竇鞏撰新書多奇字觀者必資訓釋鞏問學精博發揮良多而其書時有改革者不知何人附益之也

唐書音義三十卷

鼂氏曰未詳撰人比竇氏書大略同而稍簡乃析

文獻通考

卷

經籍

三

爲三十卷

唐書辯證二十卷

一名糾謬

鼂氏曰皇朝吳縝撰縝字廷珍成都人仕至郡守數新書初修之時其失有八類其舛誤二十門凡四百餘事縝不能屬文多誤有詆訶如新書張九齡傳云武惠妃陷太子瑛遣官奴告之曰廢必有興公爲援宰相可常處九齡奏之故卒九齡相而太子無患縝以爲時九齡已相而太子竟以廢死以爲新書似實而虛按史之文謂終九齡在相位日太子得不廢也豈謂卒以九齡爲相太子終無

患乎初名糾謬其後改云辯證實一書也

王氏揮塵錄曰嘉祐中詔宋景文歐陽文忠諸公重修唐書時有蜀人吳縝者初登第因范景仁而請於文忠願預官屬之末上書文忠言甚懇切文忠以其年少輕佻拒之縝執執而去逮夫新書之成乃從其閒指摘瑕疵爲糾謬一書至元祐中縝遊宦蹉跎老爲郡守與五代史纂誤俱刊行之紹興中福唐吳仲實元美爲湖州教授復刻於郡庠且作後序以謂鍼膏肓起廢疾杜預實爲左氏之忠臣然不知縝著書之本意也

文獻通考

卷

經籍

廿三

陳氏曰其父師孟顯於熙豐此書紹聖初上之註唐記十卷

鼂氏曰題曰樊先生而不詳其名近代人所著新書紀也

唐書列傳辯證二十卷

陳氏曰端明殿學士玉山汪應辰聖錫撰專攻列傳不及紀志以元祐名賢謂列傳記事毀於鐫削暗於藻繪故隨事辯證之

新唐書略三十五卷

陳氏曰呂祖謙授徒患新史難閱摘要抹出而門

人鈔之蓋節本之有倫理者也

唐史要論十卷

一作論斷二卷

鼂氏曰皇朝孫甫之翰撰歐陽永叔司馬溫公蘇子瞻稱其書議論精覈以爲舊史所不及終於天章閣待制

朱子語錄司馬溫公書孫公唐史後云孫公之翰昔著此書甚自重惜嘗別緘其橐於笥必盥手然後啓之謂家人曰萬一有水火兵甲之急他貨財盡棄之此笥不可失也公私少閒則增損改易未嘗去手其在江東爲轉運使出行部亦以自隨過

文獻通考

藝文

經籍

廿

亭休止輒取修之會宣州有急變乘駟遽往不暇挈以俱既行之後金陵大火延及轉運驛舍弟子察親負其笥避於沼中島上公在宣州聞之亟還入門問曰唐書在乎察對曰在乃悅餘無所問自壯年至於白首乃成亦未以示人文潞公執政嘗從公借之

又曰伯恭晚年謂人曰孫之翰唐論勝唐鑑要之也是切於事情只是大綱却不正了

陳氏曰甫以唐書煩冗遺略多失體法乃修爲唐史用編年體自康定元年逮嘉祐元年成書七十

五卷爲論九十二首甫沒朝廷取其書畱禁中其從子察錄以遺溫公而世亦罕見蜀有刻本末有之今惟諸論存焉

唐鑑二十卷

鼂氏曰皇朝范祖禹醇夫撰醇夫爲溫公通鑑局編修官十五年分掌唐史以其所自得著成此書取武后臨朝二十一年繫之中宗其言曰此春秋公在乾侯之義也雖得罪於君子有所不辭觀此則知醇夫之從公決非苟同者凡三百六篇

宋子語錄曰范太史唐鑑第一段論守臣節處不

文獻通考

卷首

經籍

三五

圓要作一書補之不曾作得范氏此文字草草之甚其人資質渾厚說得都如此平正只是疏多不入理終守臣節處於此亦須有些處置豈可便如此休了如此議論豈不爲英雄所笑又曰唐鑑有疏處孫之翰唐論精細說得利害如身親歷之但理不及唐鑑耳又曰唐鑑多說得散開無收殺如姚崇論釋十道使患未得人他自說得意不知范氏何故却貶其說又曰唐鑑白馬之禍歐公論不及此

又曰唐鑑有緩而不精確處如言租庸調及楊炎

二稅之法說得都無收殺只云在於得人不在乎法有者般苟且處他是見熙寧閒詳於制度故有激而言只那有激便不平直

陳氏曰元祐初上此書

唐史評三卷

鼂氏曰題曰適適先生不詳何人門人譙孝寧爲編次

五代史纂誤五卷 雜錄一卷

鼂氏曰皇朝吳縝撰凡二百餘事皆歐陽永叔新

五代史抵牾舛訛也按通鑑考異證歐陽史差誤

文獻通考

卷信

經籍

廿

如莊宗還三矢事之類甚衆今此書皆不及之特證其字之脫錯而已又善本未必皆然

陳氏曰宇文時中守吳興郡庠有二史版遂二書刻之後皆入國子監初郡人思溪王氏刻藏經有餘版以刊二史寘郡庠中興監書多闕遂取其版以往今監本是也

典故辯疑二十卷

儒林郎主管尙書吏部架閣文字李大性撰淳熙十三年投進自爲序略曰仰惟皇朝聖明相紹明良之懿著在青史坦然明白信以傳信而纓紳相

屬估畢益繁私史薦興說令蜂午朱紫苗莠混爲  
一區熙朝盛美未免蒙翳請略舉數端言之如梅  
堯臣碧雲騶非堯臣所撰孔平仲雜錄非平仲所  
述建隆遺事以王禹偁名而實非禹偁志怪集括  
異志倦遊錄以張師正名而實非師正涼水記聞  
雖出於司馬光而多所增益談叢雖出於陳師道  
而多所誤盪以至王安石曰錄蔡條國史後補又  
皆不足以取信儒者俱嘗言之而未之詳辯也矧  
其言者乎蓋嘗推其疇品爲說滋夥數其差舛不  
見殫述雖云燭火之衆於大明何傷而微塵纖埃

非全鏡所宜有也然則丹鉛點勘寤疑辯惑匪書  
生職歟臣大懼私史踏駁或爲正史之蠹輒擷其  
事而正之伏自剋念衡茅之下多未見之書樸楸  
之材無奇特之見固不當自竄於五不韙之域以  
奸嚴誅而孤忠拳拳所欲辯明懷不能已非敢遠  
慕昔人作指瑕糾謬之書以貽攻訶之誚獨取熙  
朝美事及名卿才大夫之卓卓可稱而其事爲野  
史語錄所繁者辯而明之參其歲月質其名氏爵  
位而考證焉其或傳聞異詞難以示信以意逆志  
雖知其非而未有曉然依據則姑置弗辯其所辯

者必得所證而後爲之說焉所辯凡二百條釐爲  
二十卷名之曰典故辯疑  
右史評史鈔

文獻通考

卷禧

經籍

三

卷二百終

文獻通考卷二百零一

鄱陽馬端臨貴與著

經籍考二十八

史 故事各門總 故事

隋經籍志曰古者朝廷之政發號施令百司奉之藏於官府各脩其職守而弗忘春秋傳曰吾視諸政府則其事也周官御史掌治朝之法太史掌萬民之約契與質劑以逆邦國之治然則百司庶府各藏其事太史之職又總而掌之漢時蕭何定律令張蒼制章程叔孫通定儀法條流派別制度漸廣晉初甲令已下至九百餘卷晉武帝命車騎將軍賈充博引羣儒刪采其要增律十篇其餘不足經遠者爲法令施行制度者爲令品式章程者爲故事各還其官府縉紳之士撰而錄之遂成篇卷然亦隋代遺失今據其見存謂之舊事篇

宋三朝藝文志曰西漢有掌故之吏以主故事則名之所起不其遠乎魏相爲丞相務在奉行故事孔光領樞機亦守法度修故事耳然則師古之學當世之要務隋唐載故事數十家皆臺閣府署舊制及諸遺風曩跡之事今所存惟二三書又取後之纂類附近

者著之

隋志二十五部四百四卷

唐志十七家四十三部四百九十六卷

失名姓二十五家表矩以下不

著錄十六家九十卷

宋三朝志十六部八十六卷

宋兩朝志六部六十三卷

宋四朝志六十四部九百二十卷

宋中興志一百七十家一百八十九部一千九百九卷

右故事

隋經籍志曰古之仕者名書於所臣之策各有分職

文獻通考

卷一百零

經籍

二

以相統治周官冢宰掌建邦之六典而御史數凡從政者然則冢宰總六卿之屬以治其政御史掌其在位名數先後之次焉今漢書百官表列衆職之事記在位之次蓋亦古之制也漢末王隆應劭等以百官表不具乃作漢官解詁漢官儀等書是後相因正史表志無復百僚在官之名矣搢紳之徒或取官曹名品之書撰而錄之別行於世宋齊已後其書益繁而篇卷零疊易爲亡散又多瑣細不足可紀故刪其見存可觀者編爲職官篇

隋志二十七部三百三十六卷

通計七書三十六部四百三十三卷

唐志十九家二十六部二百六十二卷 失姓名十家六  
典以下不著錄

二十九家二  
百八十卷

宋三朝志三十四部二百一十三卷

宋兩朝志八部三十二卷

宋四朝志十二部一百三十二卷

宋中興志三十六家四十二部四百一十三卷

### 右職官

隋經籍志曰刑法者先王所以懲罪惡齊不軌者也  
書述唐虞之世五刑有服而夏后氏正刑有五科條

三千周官司寇掌三典以刑邦國司刑掌五刑之法

### 文獻通考

卷一百一

經籍

三

麗萬民之罪太史又以典法逆於邦國內史執國法  
以考政事春秋傳曰在九刑不忘然則刑書之作久  
矣蓋藏於官府懼人之知爭端而輕於犯及其末也  
肆情越法刑罰僭濫至秦重之以苛虐先王之正刑  
滅矣漢初蕭何定律九章其後漸更增益令甲已下  
盈溢架藏晉初賈充杜預刪而定之有律有令有故  
事梁時又取故事之宜於時者為梁科後齊武帝時  
又於麟趾殿刪正刑典謂之麟趾格後周太祖又命  
蘇綽撰大統式隋則律令格式並行自律以下世有  
改作事在刑法志漢律久亡故事駁議又多零失今

錄其見存可觀者編爲刑法篇

唐志二十八家六十一部一千四卷

失姓名九家自開元新格以下不著

錄十三家三百二十三卷

宋三朝志四十三部六百九十四卷

宋兩朝志三十四部三百七十七卷

宋四朝志一百一十二部一萬七千三百卷

宋中與志八十七家九十四部三千九百三十卷

右刑法

隋經籍志曰昔者先王之化民也以五方土地風氣所生剛柔輕重飲食衣服各有其性不可遷變是故

文獻通考

卷一百零

經籍

四

疆理天下物其土宜知其利害達其志而通其欲齊其政而脩其教故曰廣谷大川異制人居其閒異俗書錄禹別九州定其山川分其圻界條其物產辨其貢賦斯之謂也周則夏官司險掌建九州之圖周知山林川澤之阻達其道路地官誦訓掌方志以詔觀事以知地俗春官保章以星土辨九州之地所封之域以觀妖祥秋官職方掌天下之圖地辨四夷八蠻九貉五戎六狄之人與其財用九穀六畜之數周知利害辨九州之國使同其貫司徒掌邦之土地之圖與其人民之教以佐王擾邦國周知九州之域廣輪

之數辨其山林川澤邱陵墳衍原隰之名物及土會之法然則其事分在衆職而冢宰掌建邦之六典實總其事太史以典逆冢宰之治其書蓋亦總爲史官之職漢初蕭何得秦圖書故知天下要害後又得山海經相傳以爲夏禹所記武帝時計書旣上太史郡國地志固亦在焉而史遷所記但述河渠而已其後劉向略言地域丞相張禹使屬朱貢條記風俗班固因之作地理志其州國郡縣山川夷險時俗之異經星之分風氣所生區域之廣戶口之數各有攸敘與古禹貢周官所記相埒是後載筆之士管窺末學不能及遠但記州郡之名而已晉世摯虞依禹貢周官作畿服經其州郡及縣分野封略事業國邑山陵水泉鄉亭道里土田民物風俗先賢舊好靡不具悉凡一百七十卷今亡而學者因其經歷竝有記載然不能成一家之體齊時陸澄聚一百六十家之說依其前後遠近編而爲部謂之地理書任昉又增陸澄之書八十四家謂之地記陳時顧野王鈔撰衆家之言作輿地志隋大業中普詔天下諸郡條其風俗物產地圖上於尚書故隋代有諸郡物產土俗記一百五十一卷區宇圖志一百二十九卷諸州圖經集一百

卷其餘記注甚衆今任陸二家所記之內而又別行  
者各錄在其書之上自餘次之於下以備地理之記  
焉

隋志一百三十九部一千四百三十二卷

通計七書合  
一百四十部

二十四卷

唐志六十三家一百六部一千二百九十二卷

失姓名  
三十一

家李播以下不著錄五  
十三家九百八十九卷

宋三朝志九十五部二千三百二十九卷

宋兩朝志二十八部一百八十三卷

宋四朝志四十二部六百七十七卷

文獻通考

卷一百零一

經籍

六

宋中興志三百二十二家三百三十六部三千四百七

十一卷

右地理

宋中興藝文志前史時令皆入子部農家類惟中興  
館閣書目別爲一類列之史部以諸家之所載不專  
爲農事故也今從之凡十七家十八部一百九十九  
卷

右時令

隋經籍志曰氏姓之書其所由來遠矣書稱別生分  
類傳曰天子建德因生以賜姓周家小史定系世辨

昭穆則亦史之職也秦兼天下剷除舊跡公侯子孫失其本系漢初得世本敘黃帝以來祖世所出而漢又有帝王年譜後漢有鄧氏官譜晉世摯虞作族姓昭穆記十卷齊梁之間其書轉廣後魏遷洛有八氏十姓咸出帝族又有三十六族則諸國之從魏者九十二姓世爲部落大人者竝爲河南洛陽人其中國士人則第其門閥有四海大姓郡姓州姓縣姓及周太祖入關諸姓子孫有功者竝令爲其宗長仍撰譜錄紀其所承又以關內諸州爲其本望其鄧氏官譜及族姓昭穆記晉亂已亡自餘亦多遺失今錄其見文獻通考

卷一百零一

經籍

七

存者以爲譜系篇

隋志四十一部三百六十卷

通計七書合五十三部一千二百八十卷

唐志十七家三十九部一千六百一十七卷

宋三朝志五十三部一百五十四卷

宋兩朝志九部六十二卷

宋四朝志十六部七十九卷

宋中興志五十三家五十九部二百二十三卷

右譜系

隋經籍志曰古者史官旣司典籍蓋有目錄以爲綱紀體制湮滅不可復知孔子刪書別爲之序各陳作

者所由韓毛二詩亦皆相類漢時劉向別錄劉歆七略剖析條流各有其部推尋事跡疑卽古之制也自是之後不能辨其流別但記書名而已博覽之士疾其渾漫故王儉作七志阮孝緒作七錄竝皆別行大體雖準向歆而遠不逮矣其先代目錄亦多散亡今總其見存編爲目錄篇

隋志三十部二百一十四卷

唐志十九家二十二部四百六卷

失姓名二家毋與以下不著錄十二家一

百五十四卷

宋三朝志目錄十六部一百四十一卷

文獻通考

卷一百一

經籍

八

宋兩朝志十一部九十二卷

宋四朝志六部三十卷

宋中興志四十六家五十一部五百二十一卷

右目錄

貞觀政要十卷

鼂氏曰唐吳兢撰以唐之極治貞觀爲最故采時政之可備勸戒者上之於朝凡四十篇

陳氏曰前題衛尉少卿兼修國史按新舊書列傳兢未嘗爲此官而書亦不記歲月但其首稱良相

傳中安陽公中書令河東公亦未詳爲何人館閣

書目云神龍中所進當考

翰林盛事一卷

陳氏曰唐剡尉常山張著處晦撰記儒人盛事自武德中迄於天寶首載張文成七登科者卽著之祖也

衣冠盛事一卷

陳氏曰唐武功蘇特撰

太和辯謗略三卷

鼂氏曰唐李德裕撰先是唐次錄周秦迄隋忠賢罹讒謗事德宗覽之不悅後憲宗以爲善命令狐

文獻通考

卷一百零一

經籍

九

楚等廣之成十卷太和中文盛上之

陳氏曰李德裕以令狐楚所著刪其繁蕪益以唐事裁成三卷集賢裴潏爲之序元和書今不存邯鄲書目亦止有前五卷

秦傳玉璽譜一卷

陳氏曰題博陵崔逢修協律郎嚴士元重脩河東少尹魏德謨潤色

國璽傳一卷 傳國璽記一卷

陳氏曰傳無名氏所記止唐肅宗記稱嚴士元與

前大同小異

玉璽雜記一卷

陳氏曰徐景撰乾元元年七月記唐志有徐景玉璽正錄卽此書也

楚寶傳一卷

陳氏曰杜確撰肅宗乾元二年楚州尼真如獻寶事

八寶記一卷

陳氏曰無名氏大觀二年

唐文宗朝備問一卷

陳氏曰不著名氏雜錄唐朝典故

文獻通考

卷一百零

經籍

十

通典二百卷

晁氏曰唐宰相杜佑撰先是劉秩采經史自黃帝迄天寶末制度沿革廢置論議得失倣周禮六官法爲政典三十五篇房琯稱才過劉向佑以爲未盡因廣之參以新禮爲二百篇以食貨選舉職官禮樂刑法州郡邊防八門分類敘載世推該洽三十六年成書德宗時上之

續通典二百卷

陳氏曰翰林學士承旨大名宋白太素等撰咸平

三年奉詔四年九月書成起唐至德初迄周顯德

末王欽若言杜佑通典上下數千載爲二百卷而其中四十卷爲開元禮今之所載二百餘年亦如前書卷數時論非其重複

國朝通典二百卷

陳氏曰不著名氏或言魏鶴山所爲似方草創未成書也凡通典會要前書及館閣書目皆列之類書按通典載古今制度沿革會要專述典故非類書也

唐會要一百卷

晁氏曰皇朝王溥撰初唐蘇冕敘高祖至德宗九

文獻通考

卷一百零一

經籍

十一

朝沿革損益之制大中七年詔崔鉉等撰次德宗以來事至宣宗大中之年以續冕書傳又采宣宗以後事共成百卷建隆二年二月奏御詞簡禮備太祖覽而嘉之詔藏於史閣

陳氏曰按唐志蘇冕會要四十卷續會要四十卷楊紹復等撰崔鉉監脩而會要稱杭州刺史蘇弁與兄冕續國朝故事爲是書弁聚書至二萬卷次於集賢芸閣

五代會要三十卷

晁氏曰皇朝王溥等撰采梁至周典故纂次建隆

初上之

三朝國朝會要一百五十卷

鼂氏曰皇朝章得象天聖中被詔以國朝故事因革制度編次宋綬馮元李淑王舉正王洙同脩得象監總慶歷四年書成上之

六朝國朝會要三百卷

鼂氏曰神宗朝以會要止於慶歷命王珪續之起於建隆之元迄於熙寧十年通舊書增損成是書總一十一類八百五十八門其閒禮樂政令之大綱儀物事爲之細目有關討論顧無不載文簡事

文獻通考

卷之零

經籍

十一

詳一代之典備矣

節國朝會要十二卷

鼂氏曰皇朝范師道以章得象書繁多節其要以備檢

續會要三百卷

陳氏曰監修仙井虞允文并甫等上自紹興十年編脩起元豐元年迄靖康之末乾道六年書成

巽岳李氏序略曰徽宗初詔王覲曾肇續編元豐

至元符尋復詔起治平四年止崇寧五年凡四十年二書皆弗克成政和末有司獨上帝系后妃吉

禮三類總一百一十卷其書則通章得象王珪所編稍益以熙寧後事而此三類外皆未皇暇運遭百六史記放絕光堯壽聖太上皇帝甚憫焉紹興九年詔館職續編三十一年又降趣旨然闕簡破牘掇落匪易皇帝陛下纂修洪緒敷時繹思更命宰臣提舉閱再歲乃克成書斷自神宗之初迄於靖康之末凡六十年總三百卷分二十一類六百六十六門竊惟五朝大政前書備載類仍舊章鮮所開創逮神哲徽欽之御世因時適變道與前異大抵革於熙寧復於元祐旋革於紹聖又復於元符再革遂臻崇觀政宣之豐豫以及靖康六十年閒業廣事詳方策所記視前倍蓰今茲綴集於零落散亡之餘十僅得其六七誠不足允符神旨然科條粗舉部類各分禮樂兵財之大原儒術刑法之要指取賢斂才之品式設官分職之制度九州之別合四夷之服叛槩見於斯凡厥討論尙或有取

容齋洪氏隨筆曰國朝會要自元豐三百卷之後至崇寧政和閒復置局脩纂宣和初王黼秉政罷脩書五十八所時會要已進一百十卷餘四百卷

亦成但局中欲節次覲賞故未及上既有是命局  
官以謂若朝廷許立限了畢不過三兩月可以投  
進而黼務悉矯蔡京所爲故一切罷之官吏旣散  
文書皆爲棄物矣建炎三年外舅張淵道爲太常  
博士時禮寺典籍散佚亡幾而京師未陷公爲宰  
相言宜遣官往訪故府取見存圖籍悉輦而來以  
備掌故此若緩而甚急者也宰相不能用其後逆  
豫竊據鞠爲煨燼吁可惜哉

中興會要二百卷

陳氏曰監修晉江梁克家叔子等上乾道六年旣

文獻通考

卷一百零一

經籍

十四

進續會要有旨自建炎元年續修正紹興三十二  
年九月成書

國朝會要總類五百八十八卷

陳氏曰李心傳所編合三書爲一刻於蜀中其版  
今在國子監

三朝聖政錄十卷

鼂氏曰皇朝富弼上言乞選官置局將三朝典故  
編成一書卽命王洙余靖孫復歐陽修編修分別  
事類成九十六門

陳氏曰其書初名太平故事凡九十六門每事之

後各釋其意至紹興八年右朝議大夫呂源得舊  
印本刊正增廣名政要釋明策備上之於朝館閣  
書目指政要爲寶訓非也

三朝寶訓三十卷

陳氏曰翰林學士李淑等撰天聖五年監修國史  
青社王曾奏乞用唐吳兢貞觀政要故事取三朝  
聖語政事及臣僚奏對不入正史者別爲一書與  
國史寶錄竝行至十年書成詔以寶訓爲名其後  
進讀於邇英今館閣書目以爲二十卷富弼所上  
者非也乃政要耳

文獻通考

卷一百零一

經籍

五

王氏揮塵錄曰仁宗卽位方十歲章獻明肅太后  
臨朝章獻素多知謀分命儒臣馮章靖元孫宣公  
奭宋宣獻綬等采摭歷代君臣事迹爲觀文覽古  
一書祖宗故事爲三朝寶訓十卷每卷十事又纂  
郊祀儀仗爲鹵簿書三十卷詔翰林待詔高克明  
等繪畫之極爲精妙敘事於左令傅母輩日夕侍  
上展玩之解釋誘進鏤版於禁中元豐末哲宗以  
九歲登極或有以其事啓於宣仁聖烈皇后者亦  
命取版摹印倣此爲帝學之權輿分錫近臣及館  
殿時大父亦預其賜明清家因有之紹興中爲秦

伯陽所取

三朝訓鑑圖十卷

陳氏曰學士李淑楊偉等修纂慶歷八年偉初奉旨檢討三朝事迹乞與淑共編且乞製序皇祐元年書成頃在舊日有售此書者亟求觀之則已爲好事者所得蓋當時御府刻本也卷爲一冊凡十事事爲一圖飾以青赤亟命工傳錄凡字大小行廣狹設色規模一切從其舊斂衽鋪觀如生慶歷皇祐間日睹聖作明述之盛也按館閣書目載此書云繪采皆闕至續書目乃云得其全未知果當時刻本乎抑亦摹傳也

文獻通考

卷一百一

經籍

六

按三朝寶訓一書直齋書錄解題以爲宰相王曾奏請編修成於天聖十年凡三十卷揮塵錄以爲章獻命儒臣所修成於天聖初年凡十卷殊不相脗合然揮塵錄所言禁中刻本且有繪圖則似卽此三朝訓鑑圖十卷之書然直齋以此書爲慶歷皇祐時所修纂則又與揮塵錄所謂仁皇初年傅母輩侍上展玩之語深不合矣當俟考訂精者質之

仁宗政要四十卷

鼂氏曰皇朝張唐英撰

仁皇訓典六卷

陳氏曰翰林侍講范祖禹撰元祐八年經筵所上凡三百十七條大略亦用寶訓體

兩朝寶訓二十卷

陳氏曰禮部郎中長樂林希子中編進用天聖故事也元豐六年表上

神宗寶訓二十卷

鼂氏曰皇朝林慮撰慮希之姪也剽聞神宗聖政

輒稱記錄分一百門以續五朝寶訓崇寧上於朝

文獻通考

卷一百一

經籍

七

歷代年號并宮殿等名一卷

陳氏曰丞相饒陽李昉明叔在翰苑時所纂

朝制要覽五十卷

陳氏曰屯田郎中宋咸撰此書傳於陸放翁書其

後曰先君會稽公晚歲喜觀閒爲子弟講論因革

率至夜分會稽公者宰元鈞也其書作於嘉祐中

皆國初故實觀之使人有感焉

景德會計錄六卷

鼂氏曰皇朝丁謂謂之撰謂景德中纂三司戶口

稅賦之入及兵食吏祿之費會計天下每歲出納

羸虧之數書成奏御

陳氏曰謂時爲三司使序言歲收兩京十七路帳籍四萬四百有七日入疾徐事一千五百文移倍之以李吉甫國計簿賈耽國要圖總其目得四十一列爲六卷一戶賦二郡縣三課入四歲用五祿食六雜記大抵取景德中一年爲準

皇祐會計祿六卷

鼂氏曰皇朝田況元鈞撰況兩爲三司使謂夏戎阻命之後增兵比之景德幾一倍加之吏員益繁經費日侈民力日疲乃約丁謂會計錄以皇祐財賦所入多於景德而其出又多於所入著成此書上之庶幾朝廷稽祖宗之舊省浮費以裕斯民云陳氏曰元鈞倣景德之舊取一歲最中者爲準又爲儲運一篇以補其闕

春明退朝錄三卷

陳氏曰龍圖閣學士常山宋敏求次道撰所記多故實其父宣獻公綬居第在春明坊如鼂氏稱昭德也

先朝政範一卷

陳氏曰直集賢院徂徠石介守道編進自任將至

悔過凡十二篇

尊號錄一卷

丞相安陸宋庠公序撰大意以爲徽號夸詡非古而我祖宗往往謙遜不居猶願超然遠覽盡屏前號其愛君以德者歟至神宗遂却不受至於今行之

輔弼名對四十卷

天禧中前進士劉顏編自漢迄五代爲四十門

青社賑濟錄一卷

丞相富文忠公弼青州救荒施行文牘也

文獻通考

卷一百零一

經籍

九

元豐間事錄二卷

光祿寺丞李德芻撰德芻邯鄲李淑之子元豐中爲詳定官制檢討文字詔旨所問奏彙錄爲此書

官制局紀事一卷

李德芻奉旨編錄置局以來命官等事

中書備對十卷

鼂氏曰皇朝元豐三年畢仲衍承詔編次曰周官所謂要會者正今日中書所宜有自漢至唐莫知議此今編成十卷凡一百二十五門附五十八事

李清臣嘗與許將書云備對乃吳正憲公居宰路

以聖問多出意表故令中書掾畢君爲之其時預有畫旨諸司遇取會不許濡滯如此尙歷數年乃就後多有改革然事亦可槩見也

蔣魏公逸史二十卷

容齋洪氏隨筆曰蔣魏公逸史穎叔所著也多記當時典章文物之舊有數百冊兵火間盡失之其曾孫芾始櫛摭遺橐而成此書將以奏御以其副上之太史且版行之傳之天下後世旣而不果蔣公在熙寧元祐崇寧時爲博聞強識然閱其論述頗有可議恨不及丞相在日與之言大槩辨訂官

文獻通考

卷一百零一

經籍

三

制之訛誤也

呂申公掌記一卷

陳氏曰丞相申國呂公著晦叔撰在相位所記人材已用未用名姓及事當行已行條目

元祐榮觀集五卷

陳氏曰左朝奉大夫權太學正汪洙撰記元祐六年視學本末并羣臣所上詩賦頌表之類張舜民芸叟爲之序

秦陵故事二十卷

陳氏曰不著名氏皆敘宣仁臨朝九年制諸表

章奏議之屬

尊堯錄八卷

陳氏曰延平羅從彥仲素撰從彥師事楊時而李侗又師從彥所謂南劍三先生也從彥當靖康初以爲本朝之禍起於熙豐不遵祖宗故實故采四朝事爲此錄又李沆寇準王旦王曾杜衍韓琦范仲淹富弼司馬光程顥名輔巨儒十人言行附於其後末有別錄一卷專載司馬光論王安石陳瓘論蔡京奏疏欲上之朝不果嘉定中太守劉元濟得其書奏之且爲版行

文獻通考

卷一百零二

經籍

廿

本朝事實三十卷

陳氏曰右承議郎李昉撰雜錄故事不成條貫統紀

皇朝治述統類七十三卷

陳氏曰眉山彭百川叔融撰略用袁樞通鑑本末條例爲前集四十卷中興後事爲後集三十三卷皇朝事類樞要二百五十卷

陳氏曰蜀人張和卿編集爲一百五十門蓋舉子答策之具也

長樂財賦志十六卷

陳氏曰知漳州長樂何萬一之撰往在鄞學訪同  
官薛師雍子然凡案閒有書一編大略述三山一  
郡財計而累朝詔令申明沿革甚詳其書雖爲一  
郡設於天下實關通閩所從得薛曰外舅陳止齋  
修圖經欲以爲財賦一門後緣卷帙多不果入因  
借錄之書無標目以意命之曰三山財計本末及  
來莆田謂鄭寅子敬道之鄭曰家有何一之長樂  
財賦志豈此邪復借觀之良是其閒亦微有增損  
末又有安撫司一卷併鈔錄附益爲全書

內治聖鑑二十卷

文獻通考

卷一百零

經籍

廿

陳氏曰起居舍人兼嘉王府贊讀清江彭龜年子  
壽撰取列聖修身齊家教子訓齊宗室防制外戚  
宦官誓御等事以紹熙五年表上之光宗稱善且  
曰祖宗家法最善漢唐不及也

高宗聖政草一卷

陳氏曰陸游在隆興初奉詔修高宗聖政草創凡  
例多出其手未成而去私篋不敢畱橐他日追記  
得此錄之而書其後凡二十條

高宗孝宗聖政編要二十卷

陳氏曰高宗聖政五十卷孝宗聖政五十卷乾道

淳熙中所修皆有御製序此二帙書坊鈔節以備舉子應用之儲也

孝宗聖政十二卷

陳氏曰亦書坊鈔節比前爲稍詳

按孝宗聖政繫陳止齋奉詔擬御製序言起初潛至內禪榻其最凡得六百四十一條爲五十卷紹興三年序

會稽和買事宜七卷

陳氏曰浙東帥番易洪邁景盧提舉常平三山鄭湜補之集初承平時預買令下守越者無遠慮凡

文獻通考

卷一百零

經籍

三

一路州縣所不受之數悉受之故越之額特重以匹計者十四萬六千九百居浙東之半人戶百計規免皆詭爲第五等戶而四等以上戶之害日益甚於是有所爲畝頭均科之說者帥鄭丙少嘉憲邱崇宗卿張詔君卿頗主之由淳熙十一年以後略施行而議者多以勑科五等戶爲不便參政李彥穎秀叔尙書王希呂仲行先後帥越皆言之而王畫八事尤力會光廟亦以爲貽窮貧之害戶部尙書葉翁叔羽奏乞先減四萬四千餘匹止以十萬爲額而後均數詔從之仍令侍從集議皆乞關併

詭挾遂詔邁混措置既畢以施行次第類成此書  
時紹熙元年也

劉忠肅救荒錄五卷

陳氏曰王居仁撰淳熙乙未樞密劉珙共父帥江  
東救荒本末嘉定乙亥眞景元刻之漕司以配韓  
富公青社之編而以劉公行狀諡議附於後

西漢會要七十卷 東漢會要四十卷

武學博士清江徐天麟仲祥撰以二史所載漢家  
制度典章散於紀傳表者倣唐以來會要體分門  
編纂其用力勤矣其言范曄志豪爲謝儼蠟以覆

文獻通考

卷一百零一

經籍

廿四

車劉昭因曄遺緒註而補之夫旣曰蠟以覆車安  
得復有遺緒蓋未考昭之所著實司馬紹統續漢  
書志也仲祥乙丑進士世有史學其世父夢莘商  
老著北盟會編父得之思叔爲左氏國紀兄筠孟  
堅作漢官考皆行於世

漢制叢錄三十三卷

袁夢麟應祥撰以二漢所紀典故分門編類凡二  
十五門

平陽會四卷

通直郎知平陽縣汪季良子駟撰平陽號難治爲

浙東三陽之冠季良治有聲乃以一邑財計自兩  
稅而下爲二十一篇終於歲會旁通沿革本末大  
略備矣又爲外篇五條如礎基副本催科檢放及  
書手除科數之類以爲此財用所從出也季良端  
明應辰之孫佳士且能吏也得年不永士論惜之

唐昌記二卷

知昌化縣趙希克家撰

錢譜十卷

鼂氏曰右梁顧烜嘗撰錢譜一卷唐張台亦有錢

錄兩卷皇朝紹聖間孝美以兩人所纂舛錯增廣

文獻通考

卷稽鑒

經籍

莖

成十卷分八品云

貨泉錄一卷

鼂氏曰右皇朝陶岳撰記五代諸侯擅改錢幣之

由幽州嶺南福建湖南江南五國

續錢譜十卷

鼂氏曰右皇朝董道撰道之祖嘗得古錢百令道

考次其文譜之以前世帝王世次爲序且言梁顧

烜唐封演之譜浸汗蔽固不可用其譜自太昊葛

天氏至堯舜夏商皆有錢幣其穿鑿誕妄至此

泉志十五卷

陳氏曰洪遵景伯撰記歷代錢寶

浸銅要略一卷

陳氏曰張甲撰稱德興草澤紹聖元年序蓋膽水浸鐵成銅之始甲參政子公之祖

冶金錄一卷

陳氏曰泉司吏所爲也

鄭夾漈通志略

莆田鄭樵漁仲撰淳熙閒經進自序略曰江淹有言修史之難無出於志誠以志者憲章之所繫非老於典故者不能爲也不比紀傳紀以年包事傳

文獻通考

卷一百零一

經籍

廿六

以事繫年儒學之士皆能爲之惟有志難其次莫如表所以范曄陳壽之徒能爲紀傳而不敢作表志志之大原起於爾雅司馬遷曰書班固曰志蔡邕曰意華嶠曰典張勃曰錄何法盛曰說餘史竝承班固謂之志皆詳於浮言略於事實不足以盡爾雅之義臣今總天下之大學術而條其綱目名之曰略凡二十略百代之憲章學者之能事盡於此矣其五略漢唐諸儒所得而聞其十五略漢唐諸儒所不得而聞也曰氏族略六書略七音略天文略地理略都邑略謚略器服略樂略藝文略校

讎略圖譜金石略災祥略昆蟲草木略凡十五略  
出臣胸臆不涉漢唐諸儒議論曰禮略職官略選  
舉略刑罰略食貨略凡前五略雖本諸前人之典  
亦非諸史之文也

按鄭氏此書名之曰通志其該括甚大卷首序論  
譏詆前人高自稱許蓋自以爲無復遺憾矣然夷  
考其書則氏族六書七音等略考訂詳明議論精  
到所謂出臣胸臆非諸儒所得聞者誠是也至於  
天文地理器服則失之太簡如古人器服之制度  
至詳今止罇櫺一二而謂之器服略可乎若禮及

文獻通考

卷一百零一

經籍

廿七

職官選舉刑罰食貨五者則古今經制甚繁沿革  
不一故杜岐公通典之書五者居十之八然杜公  
生貞元閒故其所記述止於唐天寶今通志旣自  
爲一書則天寶而後宋中興以前皆合陸續銓次  
如班固漢書續史記武帝以後可也今通志此五  
略天寶以前則盡寫通典全文略無增損天寶以  
後則竟不復陸續又以通典細注稱爲已意附其  
旁而亦無所發明通志此五略中所謂臣按云云  
低一字寫者皆通典細注耳  
疏略如此乃自謂雖本前人之典而非諸史之  
文不亦誣乎夾漈譏司馬子長全用舊文閒以里

俗采摭未備筆削不遑又譏班孟堅全無學識專事剽竊自高祖至武帝七世盡竊遷書不以爲慙至其所自爲書則不堪檢點如此然則著述豈易言哉

又按此書刊本元無卷數止是逐略分爲一二耳中興四朝藝文志別史類載通志二百卷其後敘述云中興初鄭樵采歷代史及他書自三皇迄隋爲書曰通志倣遷固爲記傳而改表爲譜志爲略則其爲書似是節鈔刪正歷代之正史如高峻之小史蘇子由之古史而非此二十略之書也但二十略序文後言於紀傳卽其舊文從而損益制誥書疏寘之別錄唐書五代史本朝大臣所修非微臣敢議故紀傳及隋若禮樂刑政務存因革故引而至唐云則亦略言其作書之意豈彼二百卷者自爲一書亦名之曰通志而於此序附言其意邪或併二十略共爲一書邪當俟續考

右故事

文獻通考

卷一百零一

經籍

廿



